



Oet de serie

**- De BABYBOOM- GENERATIE -**

Deil 4

**Lieëgere sjoeël**

Op de Sint-Lambaersjoeël krece veur sjmorges de “Witte Motor”, det fleske melk  
Det waar “good veur elk”

“Behalve voor Jan want die..... d'r van”

Mós emes 't kaolehok in of oppe gank gaon sjtaon  
Hat dae nieks of toch get verkieërds gedaon?

Veur zote ós sjtraof oet oppe kneen in eine of angere hook  
en krece ouch waal ens hóngerd sjtraofregels  
en det werkde bie ós as 'ne sjtier veur 'ne roeëje dook

Veur 'n good sjoeëlrapport mós d'r waal waere gepaes  
Dao sjtóng op wie dök des se waal of neet nao de kerk waar gewaes

En wie dök des se dich langs de sjoeël haajs gesjtreke  
dao woort door de lierare en ós elders sjtremg nao gekeke

Oppe sjeelplaats deje veur kólse en hóngre euver of taegge 't “sjtangketsel” aan  
en bie 't boeksjpringe waar 't gaon met die banaan

Sjnieë, ies en 'n kleine sjliggerbaan, det waar ózze ganse wintjersjport  
maar meital hiel kort

Eine van ós klasgenote veel ens met ziene kinnebakkes  
op de kop van 'ne angere met sjliddere  
Toen haajs se die mótte zeen siddere

Ich zoog det veur mich gebeure  
Die twieë krece daonao alle kleure

In 't aad Piusgeboew ginge veur gymme en klómme dao in de touwe  
Leets se te sjnel los, den mósdese se det met aoep henj berouwe

Veels se bie euver 't paerd sjpringe gans d'rnaeve  
gings se helop jodele en det onthels se dien ganse laeve

Veur lepe of rende toen nao sjoeël, wat noe hiel anders geit  
Neet wie 't noe geit, gebrach en gehaold met 'ne wage dae klaor sjteit

Handy, laptop, pc al die waord kóste veur neet ens  
En die hóbbe noe hiel get fens

Ós lierare op ein rie  
Juffrouw Bartels, meister Heemels, juffrouw Tilmans, meister Leenen  
krege veur van klas ein toet en met drie

Meister Leenen waar emes dae wat euverdreef  
Dae klaefde mich d'r ein, mieër den ens as ich links sjreef

De catechismus mósde veur oet de kop liere  
Lökde det neet kreegs se dao sjtraof veur ein of mieërdere kieëre

Meister Sjtroes, det waar in klas 4, keek dök door de hoeëge glaasrame nao boete  
En goejde krietjes as veur get verkieërs deje, want det zoog dae in de roete

JOHN GUBBELS

*(Met get dichterlike vrieheid)*